

STRENA  
CHRISTIANA,

Sive

Hortatiunculæ  
ad præcipuos virtu-  
tutum actus exterio-  
res, sana doctrina &  
pietate refertæ,

Per

*Harbottellum Grimstonium*

Armigerum, unum mem-  
brorum Dom. Com.  
Parliament,

---

Secunda editio.

---

*Certus est hic sermo, & hac vole se assue-  
rar e, ut qui crediderit ut Deo, curent  
bene agendo praire : Pauli epistola ad  
Titum, Cap. 3. v. 8.*

---

Calend. Jan. Ann. Dom. 1645.

---

LONDINI

Sumptibus *Job. Wright* in  
plateâ, dictâ Old-Bailly. 1645.





4402aab



it is the 11th of the month

the author of this book

has to do with the

making of the book

has to do with the

has to do with the

has to do with the

has to do with the

has to do with the

has to do with the

has to do with the

has to do with the

has to do with the





Filio suo  
Georgio Grimstonio.

Dilecte Fili.

**H**ic liber usui tuo pri-  
vato dicatus, me  
non advertente, ne-  
dum approbante pri-  
mo in lucem prodiit, & nunc  
secundo in theatrum prod-  
ctus, a me publicis regni nego-  
tiis fere penitus dedito, perfici  
non potuit; Terogo atque hor-  
ror, ut hoc paterni amoris mo-  
numentum, prout tempus &  
res postulaverint, ornatus  
reddas, & in peioris hujus avi  
A 2 tenebris

*tenebris, tu posteris tradas ad  
dei gloriam, Ecclesiae incre-  
mentum, propriamque animæ  
salutem, quod optat speratque*

**Pater vester aman-  
tissimus,**

*Harbottellus Grimstonius.*

---

**Strena**

---



STRENA  
CHRISTIANA,


Sive  
Hortatiunculæ ad  
præcipuos virtutum  
actus exteriores.

---

*Actus Fidei.*

---

CAP. I.

I.  Anè à som-  
no post so-  
lennes ho-  
minis Chri-  
stiani preces constitutus  
A 3 ani-

2 *Strena Christiana.*

animo ante conspectum  
Dei edes fidei tuæ pro-  
fessionem, recitans sym-  
bolum Apostolorum.

2 Sint castæ deliciæ  
tuæ scripturæ sacræ, has  
sæpenumero legas, &  
verbum Dei exactissi-  
mam esse veritatis regu-  
lam firmissimè crede. In  
rebus fidei nihil admit-  
tas, nisi quod cum fun-  
damento Prophetarum  
& Apostolorum subsi-  
stere potest. Tu mane  
in iis quæ didicisti : sa-  
cræ literæ te possunt  
peritum reddere ad sa-  
lutem per fidem quæ est  
in

*Strena Chriftiana. 3*

in Christo Jefu, *1 Tim. 3.*

*14, 15.* Nè addas verbis  
domini, nè fortè incre-  
pet te, & mendax de-  
prehendaris, *Pro. 30. 6.*

3 Biblia facra omni-  
bus hujus mundi divi-  
tiis præfer, & humili  
reverentiâ, quoties le-  
cturus es, in manus fu-  
me, & ad hunc modum  
ora, Domine Jefu, refe-  
ra mihi claufa, revela  
abfcondita, pande my-  
fteria, dilucida obfcu-  
ra, defini dubia : fac me  
vitia odio habere, vir-  
tutes amare, fupplicia  
timere, præmia respice-

4 *Strena Christiana.*

re, in his quæ vera novi  
custodi me; in quibus ut  
homo fallor, corrige  
me; in quibus veris titu-  
bo, confirma me, a falsis  
& noxiis opinionibus e-  
ripe me, ut sic verbum  
tuum rectè intelligam  
& religiosè colam, inq;  
eo ædificer, ad sacro-  
sancti nominis tui glo-  
riam, atque ad mei ipsi-  
us aliorumque salu-  
tem, Amen.

4. Vitam tuam &  
mores, ad normam pie-  
tatis in voluminibus sa-  
cris comprehensæ, com-  
pone.

5. Cum



5. Cum ad flagitium aliquod, turpe præfertim, vel designandum animo, vel opere clàm patrandum instigaris, hunc fidei actum exerce.

Credo firmissimè hic, ac ubique Deum meum præsentem esse, non actionum modò, sed etiam quàrumvis cogitationum inspectorem, scrutatorem & severissimum Iudicem. Non video te quidem Deus mī. Sed tu tamen vides me. Impudens ego in tuo conspectu tantum

A 5      scelus

6 *Strena Christiana.*

scelus admittam ? ah,  
millies potius moriâr.

6. Sæpe orabis, aliâ.  
que bona opera repetes  
ad impetrandam a Deo  
conversionem, tum hæ-  
reticorum, tum Ethni-  
corum, sive per te, si  
quid in hoc genere pos-  
sis, sive per eos qui fidei  
propagandæ studio o-  
peram navare possunt  
& debent.

7. Denique fronte ex-  
porrectâ vultuque con-  
stanti, fidem, ac Religi-  
onem Christianam pie-  
tatemque profiteberis,  
quoties res & tempus  
exi-

exigent. Quòd si fidem  
spiritualis ædificii basin  
succutiat dæmon, (quod  
in morte præsertim effi-  
cere molitur) tu è con-  
trà, non disputo tecum,  
inquies, sophista diabo-  
le; quas argumentorum  
umbras obtendis, fugi-  
o, detestor: securè cre-  
do, quod Deus per Pro-  
phetas, Evangelistas &  
Apostolos Ecclesiæ re-  
velavit, in solum Chri-  
sti meritum, & in solam  
patris cælestis miseri-  
cordiam in Christo &  
propter Christum mihi  
& omnibus fidelibus  
pro-

8 *Strena Christiana.*

promissam, omnem meam fiduciam colloco: In hac fide vivam & moriar, quod protestor. Quare, si per delirium verbum aliud aut aliter sonans exciderit, indicium volo. Adauge, domine mi, hanc fidem, & tu ipse sponde prome, quia vim patior.

---

*Añus Spei.*

---

C A P. 2.

I **M** Anè, inter reliquas quotidianas preces, ita orabis.

Deus infinitè potens,  
&

*Strena Christiana.* 9

& summè misericors,  
ego imbecillis & miser,  
qui ex me nihil habeo,  
nihil valeo, nihil sum,  
accedo ad te omnis bo-  
ni fontem, ac infinitæ  
tuæ bonitati, meritisque  
filii tui, Redemptoris  
mei innixus, spero fir-  
miter me à te obtentu-  
rum gratias, virtutes,  
auxilia, cæteraque om-  
nia bona, tum corporis,  
tum animi, quæ mihi  
necessaria sunt, ut ad  
cælestem beatitudinem  
pertingam. Ah quando  
id erit? Quando veni-  
am & apparebo ante  
faciem

10 *Strena Christiana.*

faciem tuam : Da sic  
curram ad brabium, ut  
comprehendam.

Hic Orationem Do-  
minicam magno animi  
ardore pervolves, Pa-  
ter noster, &c.

2 Cum die sudo, se-  
renâve nocte cælum ri-  
det, arridet humus, aut  
aliud quidvis placet,  
venustum, opulentum,  
magnificum; exclama-  
cum S. Augustino : si  
tanta, Deus mi, facis  
nobis in carcere, quid  
ages in palatio? Si tam  
innumera & varia nunc  
amicis pariter tribuis &  
ini-

*Strena Christiana.* II

inimicis, quàm magna  
& dulcia solis es largi-  
turus amicis? si tanta so-  
latia in hoc die lachry-  
marum, quanta con-  
feres in die nuptiarum?

3. Cum affici te sen-  
tis ad res infimas, repre-  
hende te ipsum, & hoc  
tibi probum obiice.  
Quid, animule mi, quid  
reculas istas miramur,  
& tanto salutis pericu-  
lo? quæris opes? Deus  
est omnia, mundus ni-  
hil. Amas voluptates?  
Deus cœlo reposuit æ-  
ternas. Ambis honores?  
veros sectare: quid um-  
bras,

12 *Strena Christiana.*

bras, fumos, fungos sequimur ? Denique quid sola voluntate mentem pascis, id est, filiquis porcorum, regali dignus mensâ ? suspira & suspice cælum, cui nati sumus : illic bona & magna & æterna sunt : cætera tanquam te minora pedibus & animo preme, imò calca.

4. Cum acerba & dura pateris corpore, morbis aliisque miseriis afflicto, asinum tuum malis fatiscentem hoc stimulo adige. Non, ut jam, ita erit semper; imo  
ECC



*Strena Christiana.* 13

nec erit diu; breve est  
quicquid finem habet.  
Atqui scio, quod Re-  
demptor meus vivit, &  
in novissimo die de ter-  
ra surrecturus sum &  
rursum circundabor  
pelle meâ, & in carne  
mea videbo Deum sal-  
vatores meum, quem  
visurus sum ego ipse, &  
oculi mei conspecturi  
sunt, & non alius: repo-  
sita est hæc spes in sinu  
meo. *Job* 19.25.

5 Cum res acerbæ,  
Dei & salutis causâ, a-  
nimo intus reluctante,  
tamen exorbendæ sunt;  
po-

14 *Strena Christiana.*

poculum hoc saccharo  
& melle oblines. Non  
sunt anime mī, condig-  
næ passionēs huius tem-  
poris, ad futuram glori-  
am, quæ revelabitur in  
nobis. Leve & momen-  
taneum hoc, supra mo-  
dum in sublimitate æ-  
ternum gloriæ pondus  
operatur in nobis, non  
contemplantibus nobis  
quæ videntur, sed quæ  
non videntur: quæ enim  
videntur, temporalia  
sunt, quæ non videntur  
æterna sunt, *Rom. 8. 18.*

*2 Cor. 4. 17.*

Hoc sudario egregi-  
us

us pugil Paulus omnem  
gravissimorum labo-  
rum sudorem absterge-  
bat; hoc proposito bra-  
bio, cæteri fortissimi  
Athletæ cum bestiis,  
cum ignibus, crucibus,  
mortibus ipsis fortiter  
pugnarunt, vicerunt. Si  
tentationum vi, in de-  
sperationis abyssum, in  
mortis præsertim ago-  
ne, præcipitari te senti-  
as; spei anchoram pro-  
jice: dic, quid naufra-  
garis anime? spera in  
Deo, quoniam adhuc  
celebraturus sum eum,  
omnimodam salutem  
faciei

16 *Strena Christiana.*

faciei meæ, & Deum  
meum : *Psal.* 43. 5. pro-  
jice te in eum, non sub-  
trahet se ut cadas. Infi-  
nitè bonus est, pronior-  
que ut beneficia confe-  
rat quàm tu petere aut  
seperare possis. Pater  
est, ipse enim te fecit, &  
tanti fecit ; ut, pro te  
servo redimèdo, filium  
suum tradiderit : Hic  
autem circiter triginta  
tres annos quid non fe-  
cit? quid non est passus?  
Jesum ipsum habes ad-  
vocatum apud patrem,  
propitiationẽ pro pec-  
catis tuis, & sanguis hu-  
jus

*Strena Christiana. 17*

jus Jesu Christi emundabit te ab omni peccato, *1 Ioh. 2. 1, 2. 1 Ioh. 1, 7*

Eia, adesto mihi, optime Jesu, ne sanguis tuus in me pereat, adsis clienti. Tuo præsidio munitus, dum spiravero, sperabo: & licet confurgant adversum me castra, non timebit cor meum.

---

*Actus Charitatis in Deum, & zeli divini honoris*

---

C A P. 3.

I. **S**æpe has faculas ore jactabis, quæ animum

18 *Strena Christiana*

nimum ad Dei amorem  
incendant. Scriptum est  
diliges Dominum De-  
um tuum ex toto corde  
tuo, ex tota mente tua,  
& ex omnibus viribus  
tuis; & qui non diligit,  
manet in morte, *Mat.* 22  
27. qui non diligit  
fratrem, *1 Joh.* 3. 14.  
multo magis qui non  
diligit Deum. Præcipis  
ergo, bone Deus, ut te  
amem, & mortem &  
quidem æternam mina-  
ris. Annon satis magna  
pœna est, si non amem  
te? aut an opus est his  
vinculis legum, & tot  
mina-

minarum, ut ad tui amore  
adstringar? adeò sum mentis inops,  
ut tua beneficia, gratias,  
perfectiones infinitas ignorem?  
an potius tam vecors & excors,  
ut cor minimè habeam, quo  
bonum infinitum amem?  
te, inquam, bonitatis  
abyssum, te immensam  
bonitatem? Jam si amor  
amore compensari debet,  
quis amor amor tuo par esse  
potest? ab æterno amasti  
me, cum non essem,  
nedum reclamare possem.  
Animam, corpus,  
res

20 *Strena Christiana.*

res universas condidisti  
mei causâ, nullo fanè  
commodo tuo ; atque  
easdem etiamnùm con-  
servas mei causâ. Ange-  
lis tuis mandasti, ut cu-  
stodiant me in omnibus  
viis meis, etiam tum  
cum pecco in te. Merce-  
dem meam voluisti esse  
magnam nimis : & ut  
eâ potiar, vocasti ad  
gratiam, eâq; protem-  
pore amissâ, revocasti  
ad pœnitentiam toties.  
Suave hoc ; sed longè  
suavius, o dulcissime  
salvator, quòd volueris,  
Deus, fieri homo, tam  
du-



dura, & tam dira pati,  
ac denique in cruce ma-  
ri pro me, qui te morti  
(O me crudelem) ad-  
dixeram. Hoc verò om-  
nium est suavissimum,  
quòd morti vicinus sa-  
cramentum Corporis &  
Sanguinis tui institue-  
ris, pignus admirabile  
tui in me amoris. In  
tantorum autem bene-  
ficiorum compensatio-  
nem nihil à me requiris,  
nisi ut redamé. O amo-  
rem ! O extasin amoris !  
quàm digna es, O boni-  
tas infinita, ut summè ab  
omnibus & super omnia

B

ame-

## 22 *Strena Christiana.*

ameris ! Ita ergo amem  
te, O Jesu mi, Salva-  
tor amantium & Salva-  
torum amor : Absorbe-  
at me vis amoris tui, ut  
amore amoris tui vi-  
vam & moriar ; qui a-  
more amoris mei digna-  
tus es mori.

2 Ubi his faculis in  
animo divini amoris ig-  
nem excitaveris , mox  
prorumpes in has viva-  
ces flammæ. O Deus  
mi, bonitas infinita, ego  
te amo super omnia,  
diligo te ex toto corde,  
ex tota anima, ex om-  
nibus viribus meis : fir-  
missimèque

missiméque statuo omnia tua præcepta implere, & me semper conformare sanctissimæ tuæ voluntati. Et propter quid sic amo te? Sanè ob hanc præcipuè causam, quia dignus es infinities plus amari, quàm amare possim, ob immensam perfectionem tuam, incomprehensibilem potentiam, altissimam sapientiam, infinitam sanctitatem ac bonitatem tuam, id est, propter te ipsum, O Pater, O Fili, O Spiritus Sancte,

24 *Strena Christiana.*

tres personæ, unus Deus, super omnia amo te, qui es mihi omnia.

Hunc actum juverit elicere sæpius; & præsertim quoties graviùs tentaris: valet enim ad perseverandum in gratia.

3 Identidem in Cœlum intuens, ac suspirans, arcesces donum charitatis in Deum, hac precatiuncula. O amor, qui semper ardes, & nunquam extingueris, charitas, Deus me, accende me: ah serò amo te, pulchritudo tam antiqua,

tiqua, & tam nova, ferò amo te. Noverim me, noverim te; ut odio habeam me, & diligam te.

4 Gaudebis, cum senties ipse, & aliunde intelliges tibi quidpiam fieri, aut evenire ex speciali ordinatione divinæ providentiæ: etiam si res adversæ & acerbæ accidant: illudque Job viri Sanctissimi carmen accine, sicut Domino placuit, ita factum est: sit nomen Domini benedictum, *Job* I. 21.

5 Mœrorem animo

B 3 con-

26 *Strena Christiana.*

contrahes, si quid acciderit, quod divinæ voluntati dissentiat aut repugnet : ut si quis divinam majestatem aliquo flagitio offendat, id ægerrimè, inquam, sustinebis, noxamque omnem aut impedies, aut tolles, si quà possis.

6 Si dæmon gravi quavis tentatione te vexet, sic precare : Tentas me, Domine, an amem te, neque tamen ultra id quod possum. Scio, quòd sine gratia tua spernerem te, O òmne bonum, ut teterimo

rimo hosti placerem,  
æternum luiturus mo-  
mentaneum gaudium.  
At juravi & statui cu-  
stodire judicia justitiæ  
tuæ. Adjutor meus esto,  
ne derelinquas me, ne-  
que despicias me.

7 Quando peccati  
gravioris periculum ali-  
ud quodpiam, occasio-  
ne inciderit: discerpar  
in mille partes, rum-  
paque potius, inquires,  
quàm ut amorì divino  
rem quamvis præpo-  
nam, Christianumque  
istud sæpius dæmoni  
tentanti obtrudes; ma-

28 *Strena Christiana.*

lo mori. quam fœdari.  
Quod si prolapsus sis  
miser, fac, mox resurgas,  
& cum Deo per reno-  
vationem actus divini  
amoris, per averfio-  
nem à malo, & conver-  
fionem ad bonum, in  
gratiam, propter meri-  
tum Christi, redire la-  
bores.

8 Imò verò minimam  
culpam, sciens, volens-  
que, aut saltem ex pro-  
posito, ac certo animi  
decreto ne admitte, ne  
quidem amicissimi ho-  
minis gratiâ, Amicitia  
humanæ omnes prius  
pessum



peffum eant : quàm ut  
Dei amor tantillùm pe-  
riclitetur.

9 Apprecaberis om-  
nibus, & à Deo obtine-  
re contendes ipsius cog-  
nitionem, amorem, cul-  
tum : Conaberisque,  
quoad in te erit, efficere,  
ut eum omnes cognos-  
cant, ament, colant.

10 Sæpenumero fa-  
cræ Christi mensæ par-  
ticeps esto, tum ut illi  
per fidem arctiùs con-  
jungi, tum ut cum eo-  
dem, in spiritu suaviùs  
familiariùsque conver-  
sari, imò deliciari possis.

30 *Strena Christiana.*

**II** In rebus quibuscunque creatis, Deum, qui etiam in minimis maximus est, intuebere; in illis ipsum, & in ipso illas, amabis. Solem vides? Deus est, exclamabis, qui pulcherriam, jucundissimamque illam lucem diffundit, qui etiam infinites pulchrior est. Apponuntur cibi? Deus, inquires, ista mihi apparat. Idemque ages in cæteris.

*Actus*

---

*Actus Religionis in  
Deum.*

---

C A P. 4.

I **I**N rebus afflictis aut  
dubiis ad orationem confugito.

2 Cum quavis de  
causa, aut ubivis, aut  
quandovis, numini supplicas; hoc non solum  
interno animi affectu  
agas, sed etiam gestu  
corporis externo submissionem & reverentiam Deo exhibeto, nisi  
sit in oratione secreta,  
quæ Dei cognitioni tantum

### 32 *Strena Christiana.*

tum præstatur, præsentibus aliis, in qua gestus & signa externa, quantum fieri potest, debent occultari, ne suspicionē præbeamus vel hypocriseos, vel affectationis inanis gloriæ cum Pharisæis, *Mat. 6. 5* Et nisi sit in brevioribus ejaculationibus desiderii nostri coram Deo, in quibus gestus externus non potest semper attendi.

3 Orationes publicas, Conciones, aliæque pietatis officia frequentato : dicito cum Davide,  
Lætor

*Strena Christiana. 33*

Lator de eo quod dicitur mihi, domum Jehovæ adeamus, *Psal. 122. 1.*

4 Res divinas ritè procurato, sacra fieri curato, decorem domus Dei diligit.

5 Si opes suppetunt, templa ornato, libros, calices, vestimenta, & alia ornamenta tuis sumptibus comparato, iis porissimùm locis, ubi cultus divinus minus piè, ac purè peragitur.

6 Certa tempora constituta, ad privata pietatis exercitia habeto, eaque non solum ex  
con-

34 *Strena Christiana.*

consuetudine observa,  
sed seriò impende, ad  
pietatis incrementum.

7 Jramentis ne as-  
fuescito; si quid jurave-  
ris, servato.

8 Vota, nisi præme-  
ditate, ne nuncupato; ubi  
nuncupaveris, sanctè ex-  
olvito.

9 Vitam Jesu Chri-  
sti, & omnium Sancto-  
rum, in iis quæ imitari  
possunt, & debent, imi-  
tari studeto.

10 Pios ritus, in-  
stitutasque ceremonias  
verbo Dei non repug-  
nantes, magni facito:  
Su-

Superstitionem è contrà omnem execrator.

---

*Actus Charitatis erga  
proximum.*

---

C A P. 5.

I **S**I quos florentes,  
& beatos videris,  
in iis Deum omnis boni fontem; contrà, si quos laceros protritofque aspexeris, in iis Christum crucifixum intuebere: eâ cogitatione in utriusque fortis homines amoris igniculos concipies, & foras ejaculabere. Amicos

36 *Strena Christiana.*

cos, inimicos hic, nihil  
distingue. Charitas, eos,  
illos, æquè amplectitur:  
illos quidem teneriùs,  
hos verò generosiùs.

2 Contendes votis,  
precibus, omni opera,  
& studio; ut omnibus,  
ex naturæ, rerum, Gra-  
tiæ præsertim divinæ  
præsidio suppetant qui-  
bus verè beati esse pos-  
sint. His bonis si quos  
affluere, benigniore re-  
rum successu frui per-  
spexeris, gestientis in-  
tus animi signa, frontis,  
oris, totiusque corpo-  
ris hilaritudine expromes:



mes: si quos iis carere,  
si impendente, aut præ-  
sente etiam malo, peri-  
clitari; ægritudinem  
animo habebis, vultum-  
que contrahes; calami-  
tatem, si quâ possis, amo-  
lieris.

3 Aliena sensa, dicta,  
facta, in meliorem par-  
tem interpretabere, as-  
pernabere neminem, ni-  
hil de fama cujusquam  
detrahes, nullo convi-  
tio, probrove lacestes  
quempiam: honorem  
cuique deferēs suum: si  
quis alteri obtrectet,  
oblatret, obmordeat,  
ibis

38 *Strena Christiana.*

ibis contrà, si fas est, & quo poteris clypeo, laborantem tuebere.

4 Quos poteris in divino timore, & cultu promovebis, & ad bona opera instigabis. Verbis quidem id ages, sed exemplis etiam malim; illa movent, hæc trahunt.

5 Nulli opem imploratam denega, mutuò, commodatòque des, si rogaris : imò ne rogatus quidem officia & obsequia sponte defer.

6. Esurientem pascere,  
sitientem

*Strena Christiana.* 39

fitientem pota. Hospi-  
tem collige. Nudum  
operi. Infirmum visita.  
Carcerem adi, capti-  
vumque redime. Mor-  
tuum sepeli. Corpori-  
bus ista charitas impen-  
dit, quæ sequuntur,  
animis.

7 Ignorantem do-  
ceto. Peccantem corri-  
gito. Consilio, fluctuan-  
tem juvato. Afflictum  
solator. Injurias perfer-  
to. Offensam remitito.  
Pro aliis, etiam pro ini-  
micis orato.

8 Inter amicos, ami-  
citiae nodum serva, imò  
adstringe.

40 *Strena Christiana.*

adstringe. Si solutus es,  
redintegrato. Fac, in  
gratiam redeant, qui  
dissident; lites, rixas,  
eharitatis foedissimam  
pestem, insectare, imò  
jugula, perime. Hæc  
& quæcunque alia sunt  
misericordiæ & benefi-  
centiæ opera, libens  
præstato.

---

*Actus Zeli salutis  
animarum.*

---

CAP. 6.

I **S**Tatas preces pro  
Ecclesiâ, nomina-  
tim pro Rege, consorti  
sua

*Strena Christiana.* 41

sua, liberis suis, magistratibus, & ministris, tibi indicito: plurimum interest boni publici, personis quæ ad multos spectant, consuluisse.

2 Libris editis, catechismis, exhortationibus, concionibus, prælectionibus, seu per te, seu per alios, munificentiam erga Academias & scholas, &c. quibus artibus & opibus vales, bonum animarum promove.

3 Si quis aliquod crimen admittit, vel jam admisit, omnem lapidem move, ut impediās,  
aut

42 *Strena Christiana.*

aut rollas: ita cura, ac  
si ipsemet vulnus acce-  
pisses.

4 Et si Deo posthac  
placuerit te patrem-  
familias efficere, & tibi  
cum conjuge & liberis  
benedicere, decet te  
de iis singularem habe-  
re curam: hi ad te pro-  
piùs pertinent. Liberos  
à teneris erudi, nutricem  
probam, bonos magi-  
stros advoca. Hic res  
magna agitur: si liberi  
& servi graviùs pecca-  
verint, severiùs objurga  
& castiga, conjugem  
prudenter rege, & ad  
bona

bona opera instiga :  
sed filiarum presertim  
pudicitiam perdius &  
pernox excubitor ob-  
serva & serva ; nihil eo  
Thesauro expositum  
magis.

5 Denique totam fa-  
miliam piè & religiosè  
institute. Manè & Vef-  
peri à singulis privatim,  
atque etiam, si conve-  
nienter fieri possit, com-  
muniter oretur. Hi, qui-  
bus vacat, rei sacr æin-  
terfunto, & ad templum  
temporibus constitutis  
deducantur: Hæc fami-  
liæ lex esto, Quisquis  
has

44 *Strena Christiana.*

has ædes habitat, Sobrietatem, Castitatem, Justitiam, Religionem, probitatem denique omnem colito. Ne mentitor. Ne pejerato. Ne blasphemato. Ne aliis detrahito. Ne poculis ac lusibus intendito. Ne verbis factisve cujusquam oculos, aures, animum, lædito. Qui secus faxint, abscedunto.

*AGWS*



*Actus Pœnitentiæ, odii  
peccatorum, & con-  
tritionis.*

C A P. 7.

I **P**œnitentis animi  
medullis has i-  
dentidem faces injice:  
Heu me! quid cogitavi,  
quid dixi, quid feci de-  
mens? peccavi contra  
rationem, contra con-  
scientiam, & in quem,  
& quis? Egone vile &  
projectum cadaver, ni-  
hili homulus, re quavis  
tetrrior & nequior, ausus  
sum, & quâ fronte im-  
pudens, in ipsius Numi-  
C nis

46 *Strena Christiana.*

nis conspectu, scelere  
meo impetere Creatorē,  
qui me ex nihilo fecit?  
Redemptorem, qui me  
suo sanguine refecit?  
deum meū, omne bonū  
meum? atqui stipendi-  
um peccati mors. Ah  
quam horrendum est in-  
cidere in manus Dei vi-  
ventis! *Heb, 12.*

29 Ergone pro mo-  
mentanea voluptatula  
infamis mercator, Cœlo  
contempto, æternos mi-  
hi ignium inferorum  
cruciatus comparârim?  
Ah! pudet me mei, etsi  
nemo alius conscius fo-  
ret,

*Strena Christiana.* 47

ret, quid verò erit cum  
toti olim mundo reve-  
labuntur foeditates &  
turpitudines meæ? Sed  
quam immani ingrati-  
tudinis vitio scelus est  
à me perpetratum in  
eum, qui tot me bene-  
ficiis profecutus est?  
Quid tot beneficia con-  
templisse me! O ingra-  
tissimum! quasi pedi-  
bus proculcasse ejus  
sanguinem? O me cru-  
delem, O ter impium!  
crucifixerim ego te to-  
ties, bone Jesu, & pati-  
aris? imò brachia ex-  
tendas ad amplexum?

48 *Strenia Christiana.*

caput submittas ad oscula ? O infinitam bonitatem ! pœnitet me scelerum meorum, non tam quia cœlum perdidisti, inferorumve ignes commerui ; sed quia te optimum parentem meum offendi, qui non modò non punis, sed etiam vocas, & ut veniam petam, jubes, minime id jussurus, nisi parcere velles.

Et ecce prostratus coram te tanquam filius prodigus, nunc clamare incipio, pater, peccavi in cœlum & coram te :

te : non sum dignus vocari filius tuus, *Luc.* 15, 18, 19. Sed tu miserere, pater.

2 Ubi incalescere animum senferis, mox in has vivi doloris flammās prorumpes : O benignissime Deus mi, O suavissime Jesu, doleo ex intimo corde, quòd Majestatem tuam, ac bonitatē infinitam peccatis meis offenderim, quam debeo & nunc volo amare, amoque super omnia : idque quia tu es Deus infinite potens, sapiens, sanctus &  
C3 bonus;

50 *Strena Christiana.*

bonus : cui peccatum  
suprà quàm dici potest,  
summè displicet, & ad-  
versatur. Quare prop-  
ter hunc tui amorem  
firmiter etiam statuo  
non ampliùs te offen-  
dere, omnes peccandi  
occasiones fugere, om-  
ne id, ad quod obligor  
perficere: remitte tu mi-  
hi, sicuti ego nunc aliis  
remitto ex animo, si  
quis me unquam offen-  
derit. Utque supplici-  
ter peto veniam deli-  
ctorum meorum : ita  
spero fore per meritum  
pretiosissimi sanguinis  
tui,

tui, Bone Jesu, ut impetrem quod peto, tuâque adjuvante gratiâ vitam corrigam, & ad mortem usque in tuo servitio perseverem. Amen.

Hunc actum utile erit elicere, manè, vespèri, & quoties in peccatum lapsus fueris, ad gratiam Dei recuperandam.

3 In testimonium animæ afflictæ carnem castiga, subtractione deliciarum, sobrietate & temperantia in victu, jejunio, laboribus vocalis,  
C4 cationis,

cationis, & precibus,  
 quibus edomatur caro  
 lasciva, & spiritui sub-  
 jicitur, non tamen pec-  
 catorum remissionem  
 per hæc exercitia te  
 mereri existimes.

---

*Actus humilitatis.*

---

C A P. 8.

**I** HOMO es nauci,  
 ac nihili: insa-  
 nis, si quid tibi arrogas:  
 quare si quando lauda-  
 ris, aut ab aliis æstima-  
 ris: in Deum omnis bo-  
 ni fontem, unde in te,  
 si quidpiam est, pro-  
 fluxit,



fluxit, totum refunde.

2 Si vel semel duntaxat per omnem vitam peccatum aliquod in Deum vel proximum impio & maligno animo designasti, aut reipsam perpetrasti, inferorum poenas es commeritus: cum igitur quidpiam aut acerbitatis, aut injuriæ, aut probri, sive à Dei providentia, sive ab inimicis patiare, tecum istud reputato. Eridem æternos ignium inferorum cruciatus promerui; & quid exiguum hoc, quod pa-

54 *Serena Christiana.*

tior, ad illas poenas?

3 Vestium ac mensarum luxus, familiæ, & supellectilis splendorem nimium, ac inānem pompam fuge.

4 Si quando superbiæ spiritus obluctetur, sanctissimi illius viri humilis & humiliati sententiâ utaris: putredini dixi, pater meus es, mater mea, & soror mea, vermibus, *Job 17. 14.* & addas, quid turgescas saccus stercorum, terra & cinis?

5 Te tuâque bona opera latere ama, nisi quando

quando velit Deus in  
suam gloriam, & Ec-  
clesiæ commodum, te in  
publicum prodire.

6 In officiis vilibus  
& abjectis, tui ipsius &  
aliorum gratiâ, occupa-  
ri ne dedigneris.

7 Pronis auribus,  
monentem & corrigen-  
tem audi: neque facile  
excusationem obtrude.

8 Mortem, Judici-  
um, Inferos, sæpè, sæpi-  
ùs cogita: hæ depictæ  
in animo tabulæ te tibi  
representant. Vesperis id  
ages commodius: le-  
ctus ipse sepulchri,  
somnus

56 *Strena Christiana.*

somnus mortis quædam  
imago est.

9 Ea quæ ad tui  
commendationem fa-  
ciunt omninò file: cave,  
nè quid de te rebusque  
tuis vendites, jactites,  
ostentes. Naturæ dotes,  
virtutem, eruditionem,  
avorum ceras, & fumo-  
sas imagines. Quid ha-  
bes, quod non accepi-  
sti? *I Cor. 4. 7.* si autem  
acceperis, quid, quasi  
de tuo, gloriaris? Ho-  
mo vanissime, obline te  
tuo luto. Pulvis es, &  
in pulverem revertêris,  
*Gen. 3. 19.* peccatum  
solum

*Strena Christiana. 57*

solum opus est tuum:  
hic habes, unde pudore  
afficiaris, non unde effe-  
raris.

10 Oculos submissos  
tene: terram aliquando  
aspice: & te illius inutile  
pondus, existima.

11 Cum per cæmi-  
terium iter facis: hæc  
(inquies) nobis homi-  
nibus constituta est do-  
mus: eò igitur omnes  
imus & insolescimus?

12 Neminem ex in-  
imicitia torvè contuere,  
aut morde verbulo, aut  
gestu quovis offende.  
Est mansuetudo humi-  
litatis

58 *Strena Christiana.*

litatis aut partus, aut  
soror.

13 Aliorum iudicio  
rectæ rationi consenta-  
neo, facilè cedito. Noli  
altum sapere, ne sis pru-  
dens apud te ipsum,  
*Rom. 12. 16.* locum cæ-  
teris honoratiore com-  
modioremve sponte  
deferto: cum tenuibus,  
pauperioribus, lubens,  
volens versator. Car-  
ceres, domiciliaque æ-  
grotorum, & pauperum  
ad benefaciendum illis  
frequens adito.

14 Porro, non tan-  
tum te ipsum omnium  
ultimum

*Strena Christiana.* 59

ultimum, ac miserrimum reputato : Sed exterius pro tali te habet; & si ab alijs ita habearis, ne tristeris, sed potius gaude. *Iac. i. 10.*

15 Denique si quando insolentiùs animum inflari sentias, tumorem hac cogitatione deponito. Quid fui, Domine, quid sum, quid ero? Fui nihil, nihil adhuc sum, & fortè ero pejus nihilo. Fui conceptus in originali peccato, sum plenus peccato actuali, & nisi resipiscam & Evangelio credam

20 *Strena Christiana.*

dam., condemnandus  
ero pænâ gehennali,  
*Marc. 1. 15. Marc. 16. 16.*  
*Luc. 13. 5.* Fui certè  
sperma fætidum, sum  
saccus stercorum, ero  
esca vermium. Sic fui, ut  
in illo statu permanens,  
damnari non possem;  
sic sum ut propter de-  
merita mea, sine merito  
tuo, salvari non possim;  
sic ero, ut æternum vel  
culpa mea damner, vel  
gratiâ tuâ salver. Quid  
fuerim, scio, nimirum  
pessimus; quid sim,  
nescio, nisi à te illumi-  
ner, quid ero, æquè  
ignoro.



*Strena Christiana. 61*

ignoro, nisi à spiritu tuo  
certior factus fuero. Tu  
quod fui, Domine, ig-  
nosce; quod sum, cor-  
rige; quod ero, dirige:  
daque ut semper hæc  
sapiam, & de me humil-  
limè sentiam.

---

*Actus Modestiae.*

---

C A P. 9.

**M**Odestia, humili-  
tatis germana aut  
filia, decentiam, compo-  
sitionemque totius cor-  
poris curæ habet. Vestes  
tibi, velim, nec sordeant,  
nec nimis resplendeant:  
sit

62 *Strena Christiana.*

fit incessus inartificio-  
sus, at non levis. Gestus  
istiusmodi quem ratio  
præscribat. Caput ere-  
ctum, modicè inflexum,  
frons aperta, non cape-  
rata: oculi non super-  
ciliosi, non errabundi,  
nusquam malè defixi:  
labia nec nimium pres-  
sa, nec sædè diducta:  
vox mascula, sonus  
non nihil fractior, sermo  
purus, simplex, innox-  
ius; manus nihil comi-  
cum aut histrionicum  
agant, absint & scurriles  
gesticulatiunculæ. In his  
quid pecces temet sæpè  
roga,

roga, adde & fidum  
Censorem : ferè enim  
hic quisque cæcus est.  
Modestix autem stude-  
bis etiam privatim &  
cùm solus es, alioquin  
in publicum veniens  
impiages nulli negotio.  
Ita modeste in cubiculo  
& sine arbitris dege, ac  
si oculi omnium te vi-  
derent.

---

*Actus Patientix.*

---

C A P. IO.

**I**Temporum injurias,  
frigus, æstus, plu-  
vias, naturæ incommo-  
da,

64 *Strena Christiana.*

da, sitim, famem, perfer  
non gravatè. Propter  
peccata tua magna &  
multa quæ admisisti,  
millies istis graviora  
mala es promeritus: id  
si cogites, feras priora  
leviùs.

2 Morbos etiam  
quantumvis acerbos, ac  
diuturnos, tanquam do-  
na de numinis manu  
accepta, exosculare &  
beneficium est quod  
maleficiū arbitraris.  
Id noverat qui olim  
dixit, Domine hîc ure,  
hic seca, ut saltem æter-  
nūm parcas.

3 Si

3 Si itaque longo & gravi morbo afflictus motu impatientiæ agiteris, animum titubantem ita sustenta. sustine, anime mī, qui te flagellat, pater est amantissimus; qui urit & secatur, medicus est sapientissimus; jam melius & melius tecum erit: qui hic urit, postea parcet: Ignis hic vitia excoquit, & splendorem auget. Adhæc, cogita Christum in cruce patientem, & cum eo tot Martyres: si compateris, corrigabis.

66 *Strena Christiana.*

4 Si quid prætereà calumniarum, aut injuriarum in te ab aliis congestum, conjectumque fuerit, obdura ; & non solum forti animo perfer, verum etiam constanti.

5 In istis omnibus, quæcunque causæ extiterint malorum, file : vel queri minimùm, impatientis est animi. Cave ne naturam, cælum, elementa, homines ipsos accuses. Nemo tibi erit nocentior, quàm tuipse, si non feras. Justus est Dominus, & recta

*Strena Christiana. 67*

recta judicia ejus.

6 Si nihil interim consolationum, ne spiritualium quidem, tibi affundi sentis, si purum putum fel propinetur, exorbe; atque ita loquere, neque fas, neque bonum est accipere panem filiorum, & dare canibus; micas quidem cadentes catelli edunt; at ego non ita vixi, ut vel micam habere possim.

7 Hic tu mihi vide, ne in istis molestiis ex rebus creatis, prætermisso creatore, consolativum  
culam

68 *Strena Christiana.*

culam putidiùs emendices, nec mediis in hunc finem utaris illicitis.

8 Continget non rarò, ut cum maximè piùs, ac probus esse velis: plurima, & plurimi obluctentur, etiam ogganniant, & allatrent: ne tu propterea vel latum unguem ab officio, institutove deflecte: injurias, ne commemora aliis, imò ipse obliviscere.

9 Si amici, si parentes ipsi destituant, dic, nudus nudum Jesum sequar, dicamque posthac confidentiùs, Pater, qui



*Strena Christiana. 69*

quies in Coelis, sanctificetur nomen tuum, &c. & cum Davide, pater meus, & mater mea derelinquunt me, sed Jehovah recipiet me, *Psal.* 27. 10: & illud scito fore ut extremis his diebus instent tempora molesta, & omnes qui volunt piè vivere in Christo Jesu, persecutionem patientur, *2Tim.*

3. 12:

10 In fidei, ac Religionis causâ, si te aliquid pati tempora, & res cogant; carceres, & mortem ipsam ne timeas,

D

sed

70 *Strena Christiana.*

sed potiùs cum Aposto-  
lis gaudeas, quoniam  
dignus habitus es pro  
nomine Jesu contume-  
liâ affici, *Act.* 5. 41. &  
mori cum Paulo, si ne-  
cesse fuerit, sis paratus,  
*Act.* 21. 13.

---

*Actus Christianæ abdic-  
tionis rerum tempo-  
ralium Christi  
causâ.*

---

C A P. II.

I **U**Rgente neces-  
sitate opes defe-  
re, ut in communi fide-  
lium inopia, in persecu-  
tionum

*Strena Christiana. 71*

tionum fervido, & furenti æstu, vel si nimius sit divitiarum amor, tantus nimirum, ut vel abjiciendæ sint divitiæ, aut amittendus sit Christus, *Act. 4. 32, 34, 35. Hebr. 10. 34. Matth. 19. 21.* & si hoc feceris, meriti tamen opinio longissimè absit; dixit Apostolus Paulus, quæ mihi fuerunt lucra, hæc arbitratus sum propter Christum detrimenta. Omnia arbitror ut stercora, ut Christum lucrificiam, & inveniar in illo non habens meam justificationem,

72 *Strenua Christiana?*

stitiam, quæ ex lege est, sed illam quæ ex fide est Christi, illam quæ ex Deo est, justitiam in fide, *Phil. 3. 7, &c.*

2 Erues omnem pravam opum appetitionem, honorem mundanum contemnes, imò ipsa amicorum, rerumque terrenarum solatia respues, si te à fide Christi, & à virtutis studio revocent.

3 Si bonorum omnium erogationem & dimissionem Religio non postulaverit; curas tamen superfluas, rerum,

*Strena Christiana. 73*

rerum, quæ ad hanc vitam pertinent moderare.

4 Avaritiam, quæ ab Apostolo Idolatria vocatur, *Col. 3. 5.* odi, ac fuge. Radix omnium malorum est pecuniæ cupiditas, quam quidam appetentes, aberraverunt à fide, & seipsum transfixerunt doloribus multis. Tu autem, hæc fuge: Sectare verò justitiam, pietatem, fidem, charitatem, patientiam, mansuetudinem, 1 *Tim. 6, 10, 11.*

D 3    3    Di-

74 *Strena Christiana.*

3 Divitiæ si affluent,  
noli cor apponere : ita  
regius psaltes imperat,  
*Psat. 62. 10.* opum tua-  
rum Dominus esto, non  
tu earum mancipium.

4 Ita esto animo  
compositus pati egesta-  
tem magis, & mortem,  
quàm fraude aut pecca-  
to quovis opes conge-  
rere : itemque vel im-  
peria ipsa, si haberes,  
derelinquere, si cœlum  
vocat, imperative,

5 In dapfili prandio  
aut cæna, si epulum  
nuptiarum, justorum  
funebrium, aliâque so-  
lenni

lenni causâ apparaveris, certam eduliorum partem repone, quod Christo præbeas, pauperibus, ægris præsertim domi jacentibus, vel in carcere, aut aliâ angustia positis.

6 Si opes suppetant, in pauperes aliquid quotidie distribue. Fœneratur Deo qui dat pauperi, *Prov.* 19. 17. petenti igitur stipem tu statim commodato: eos velim inprimis tibi esse commendatos, quos aut necessitas ad fœda flagitia compellit, aut

76 *Strena Christiana.*

ingenuitas à stipe cor-  
roganda avocat. Si ni-  
hil habes, quod des, at  
bona saltem verba red-  
dito. Dominus est, qui  
ex donis à se tibi datis,  
denarium, vel obolum,  
vel frustulum panis, vel  
aliquantulum potûs, re-  
petit. Liberos, famu-  
los, ancillas, ita loqui  
jubebis; Pater, Here,  
Christus pro foribus  
stat, eleemosynam pe-  
tit, stipem filii ipsi fe-  
rant, ita olim misereri  
condoceantur: E cu-  
jusvis diei lucro, & è  
quovis contractu par-  
tem



tem aliquam demere,  
quam indigentibus nu-  
meres, si hoc possis, val-  
dè pium est. Quidam  
hoc faciunt, quos si imi-  
tere, beatus eris.

7 Hoc in pāuperes  
officium nec moriens  
negliges : testamento,  
ex aliqua parte saltem,  
tuorum bonorum hæ-  
redem Christum scri-  
be : ita mercedem in  
Cœlis habebis.

*Actus Justitie.*

C A P. 12.

**I** Justitiam exerce, & loquere veritatem ex animo tuo. Ne linguâ tuâ obtrectes, nec proximo tuo malum facias; si jures proximo in damnum tuum, non tamen muta.

2 Suum cuique tribue; neminem læde; quod tibi non vis fieri, alteri nè feceris: omnia quæcunque vis ut homines faciant tibi, & tu facito illis, *Mat. 7. 12.*

3 Quod

*Strena Christiana. 79*

3 Quod debes exolve, aliena redde, cave ne pauperum mercedem durus apud te retineas: detestabile est coram Domino, *Levit. 19. 13.*

4 Non habebis in sacco diversa pondera, majus & minus, nec erit in domo tuâ modius major & minor: pondus habebis justum & verum, & modius æqualis & verus erit tibi, ut multo vivas tempore super terram, quam Dominus Deus tuus dederit tibi; abominatur enim

80 *Strena Christiana.*

enim Dominus Deus  
tuus eum, qui facit hæc,  
& averfatur omnem in-  
juſticiam, *Deuter. 25.*  
*13, &c.*

5 Ne ſis ingratus :  
agnosce & profite, à  
quo & quanta accepe-  
ris beneficia : ſimulque  
declara ſtudium præ-  
ſtandi benefactoribus  
tuis mutua officia ho-  
neſta, tibiſque poſſibi-  
lia.

6 Impium ne juſti-  
fices, & judicium ne  
pervertas, neque in ali-  
cujus perſonam affectu  
nimix dilectionis incli-  
nes :

*Strena Christiana.* 81

nes : non accipies munera, quia munera excæcant oculos sapientum, & mutant verba justorum. *Dent.* 16. 19. Concordiam serva, & commune bonum propriis emolumentis præpone.

---

*Actus Obedientiæ.*

---

C A P. 13.

I **M**Ajorum tuorum, Pastorum præcipuè vocem, ut divinum oraculum audito :

82 *Strena Christiana.*

dito : illis, & cum Magistratibus, tum parentibus observantiam præstato ; eorum dictis obediens esto. Facies quodcunque dixerint, qui præsunt loco, quem elegerit Dominus, *Dent. 17. 10.*

2 Leges Reipublicæ, aut communitalis, in quâ vivis, exactè & constanter observato. Omnis anima potestatibus sublimioribus subdita sit, *Rom. 13. 1.*

3 Si sis filius-familias, si servus, superiorum nutus attendito, impe-

imperata mox exequi-  
tor.

4 Si à jussis abhorres  
obtemperato, nisi rem  
malè præcipi liqueat ;  
ubi enim mandatum  
voluntati divinæ con-  
trarium est, Obedire  
oportet Deo magis,  
quàm hominibus, *Act.*  
5. 29.

5 Si justa imperan-  
tur, licèt durâ sint, con-  
coque, & peragito.

6 Obedito autem  
sine morâ, & integrè.

*Actus*

*Actus Castitatis.*

C A P. 14.

**I** Ngentem pudicitia  
amorem in te exci-  
tabis, impudicitia verò  
grave odium.

2 Removendæ omni  
studio omnes luxuriæ  
occasiones. Averte ocu-  
los à formosulis, in mu-  
lieres ne contorqueto,  
nè defigito illos; Aures  
& ora obscenitati, &  
scurrilitati duplici serâ  
occludito: ab impuden-  
tioribus jocis, & gesti-  
culationibus



*Sirena Christiana.* 85

culationibus abstineto.  
impudicos socios, &  
noxias familiaritates  
cane pejùs & angue  
defugito. Cum solus  
es, nè libidini deditus  
sis; noli peccare, Deus  
videt. Cuticulam ne  
curato: Vestes mol-  
les, pocula, & lautæ  
mensæ corporis, ani-  
mique mollitiem, ac  
libidinem creant. Loca  
periculosa, otium, libros  
obscænos, incæstas ima-  
gines & tabellas, las-  
civa theatra, tripudia  
inverecunda, execrator.  
Verissimum hîc istud,  
qui

86 *Strena Christiana.*

qui fugit Venerem,  
fugat.

3 In pia cogitatione  
obdormiscito : cum ex-  
pergisceris , si quæ oc-  
cursent fæda phantaf-  
mata, fortiter excutito:  
Jesum tuum in clamato:  
animum aliò magno ni-  
su convertito.

4 Similiter si per  
diem recurrant ejusmo-  
di imagines , aut sug-  
gestionem, obstitito pre-  
ce & obfirmatione a-  
nimi. Cogita præsentiam  
Dei, & Angelorum,  
crucem Christi, mortem  
tuam, judicium, Inferos:  
his

his clavis importunarum cogitationum clavos extrude.

5 Animæ maculas sæpius eluito, si te peccato carnis pollueris, confitere, cum Davide, prævaricationes tuas Domino. *Psalms.* 32. 5. Nathanem quendam fidum & prudentem delige, qui te resipiscen-tem consoletur, & dicat, transtulit Dominus peccatum tuum; non morieris, 2 *Sams.* 12. 13.

6 Vade, noli amplius peccare. Peccanti medicina

cina confessio, at tu pro  
virili tentationis princi-  
piis obsta. Cùm itaque  
primum, concitatis ad  
rebellionem appetitio-  
nibus, hostem adesse  
senferis: jam hic tibi  
omnis admovenda ma-  
china, aut periisti: ser-  
pens iste ubi primum  
ingredi licuit, progre-  
ditur, seque totum in-  
finuat. Ergo statim vires  
omnes colligendæ: nas-  
centem ut Hydram suf-  
foces, aut extinguas,  
mentem aliò avoca, di-  
vinam opem advoca,  
ut priùs monui: Ac-  
cinge

pro- cingete te ad aliquod o-  
ci- pus grave, honestum &  
que- utile, ne te dæmon præ-  
ad- occupet.

7 Obsecro te, per  
fle- misericordiam Dei, ut  
bi- exhibeas corpus tuum  
a- hostiam viventem, san-  
r- ctam, beneplacentem  
m- Deo, *Rom. 12. 1.* Nè  
e- facias membra Jesu  
i- Christi membra mere-  
es- tricis: corpus tuū debet  
esse templum spiritus  
sancti; emptus es pretio,  
pretioso nempe, san-  
guine Christi; glorifica  
Deum in corpore tuo,  
& in spiritu tuo, quæ  
sunt

90 *Strena Christiana.*

sunt Dei. Egregiè de  
hac re differit Sanctus  
Paulus, I Cor. 6.

---

*Actiões Temperantiæ.*

---

CAP. 15.

I **Q**uantitatem ci-  
borum saluti  
corporis necessariam, &  
saluti animæ non officien-  
tem accipe, in co-  
mestione æstum & ni-  
miam aviditatem co-  
hibe. Quemadmodum  
medicamenta, sic ali-  
menta sume.

2 Sobrius esto, &  
vigi-

*Strena Christiana.* 91

vigilato ; adversarius  
tuus, Diabolus, tanquam  
leo rugiens, circuit, quæ-  
rens quem devoret. *1*  
*Pet. 5. 8.* Attende tibi-  
ipſi, ne fortè gravetur  
cor tuum crapulâ &  
ebrietate, & curis vitæ  
hujus, & repentina in  
te superveniat dies Do-  
mini. *Luc. 21. 34.* Væ  
tibi ſi conſurgas manè  
ad ebrietatem ſectan-  
dam, & potandum uf-  
que ad vesperam. Væ  
tibi, qui es fortis ad bi-  
bendum, *Eſ. 5. 11. 22.*  
Te itaque jubeo, & per  
tremendum diem ju-  
dicii

dicii te adjuro, ut quantum possis, ebrietatis malum, auxiliante Domino, fugias. Ebrios unà cum fornicariis, idololatriis, adulteris, mollibus, masculorum concubitoribus, furibus, avaris, maledicis, rapacibus, à regno Dei excluduntur, *1 Cor.* 6.9, 10.

3 Ne cervisiam, vel alium potum inebriantem præbeas alteri usque ad ebrietatem. Væ tibi, si hoc agas: hic accommodari potest illa similitudo prophetæ

tæ



*Strena Christiana. 93*

tæ loquentis de iudicio  
Chaldæorum. *Habac. 2.*  
15, 16. Bibe tu quoq;  
atcalix dexterae Do-  
mini ad te convertetur,  
& vomitus ignominia  
erit super gloriam  
tuam.

4 Quamvis adjura-  
tus fueris per nomina  
magna, vel chara, vel si  
præmiis aut pœnis in-  
ducaris ad pocula su-  
perflua evacuanda, ne  
consentias.

5 Non solum ab  
imitatione, sed etiam à  
confortio potatorum  
abstinere debes: secun-

E dum

dum illud Apostoli : si quis, cum frater nominetur, sit ebriosus, cum ejusmodi ne edatis quidem, I *Cor.* 5. II. Si Ecclesia tam negligens est, ut publicè peccantem, nec resipiscentem, non excludat; si cesset magistratus fontes gladio ferire, privatus quisque ab impudenter peccantium consuetudine sibi temperet, ne aut alienis flagitiis favere videatur, aut alieno crimine commaculetur, maximè si resipiscentiæ, spes nulla superfit.

6 Suf.

6 Sufficiens sit tibi  
præterito vitæ tempo-  
re, quæ libent Genti-  
bus perpetrâsse, incedē-  
do in lasciviis, cupidita-  
tibus, vinolentiis, com-  
messationibus, compo-  
tationibus, & nefariis  
simulachrorum culti-  
bus: ----Omnium finis  
imminet. Esto tempe-  
rans, & sobrius ad pre-  
ces, *I Pet. 4.3,4,7.* Et  
Dominus det tibi in-  
tellectum in omnibus,  
*I Thes. 5.27. 2 Tim. 2.7.*

*De*

---

*De blasphemia & juramentis.*

---

## CAP. 16.

**N**Unquam os tuum  
aperire audeas  
in cœlum verba emitte-  
re, in Deum juramen-  
ta atque blasphemias;  
nunquid non ipse pater  
tuus est, qui tibi be-  
nefecit? pulverem è  
terra capiens, & in faci-  
em vitæ spiraculum  
inspirans formavit te,  
sub pedibus cuncta sub-  
jecit tuis, nocte te dor-  
mientem custodit, ex-  
citatum

citatum protegit, esu-  
rientem nutrit, nudum  
vestit, pusillanimum  
solatur parva sint hæc,  
adiiciam majora; fili-  
um suum unigenitum  
pro salute tua tradidit;  
nè itaque reddas pro  
bono malum, imme-  
mor beneficii, ne forte  
ignis de cælo descendat  
& te devoret, ne forsan  
terra subitus repentè  
rumpatur & te absor-  
beat, nè in grave salutis  
periculum coniiciaris;  
Lapidem qui sursum  
jaciunt, in suum caput  
jaciunt, cùm lapis eo-  
dem

dem unde jaculatus est  
redeat.

2 Deus uti summus  
amor cordis, ita et sum-  
ma laus, & glorificatio  
oris nostri esse debet.  
Vir multum jurans re-  
plebitur iniquitate; nec  
recedet à domo ejus  
plaga; Obest enim no-  
men ejus assumere in  
vanum, quod magnum  
est ad timendum, san-  
ctum ad venerandum,  
dulce ad meditandum,  
occultum ad sciendum,  
potens ad salvandum.  
Apud Ethnicos nemo  
Herculem jurabat sub  
tecto

recto, sed sub dio tantum, quasi in ipsius dei oculis præsentia.

3 Pro te sufficient  
tres juramenti comites;  
primò judicium vel  
circumspectio, nè fiat  
divinæ majestatis invo-  
catio super re vana, vel  
etiam momenti alicu-  
jus absque notabili ne-  
cessitate; secundò justitia vel æquitas, tam in  
se, quam in ordine ad  
alterum, ut nemini fiat  
injuria; qui enim super  
iniquitate jurat, male-  
dictus est: Tertiò veritas,  
ut sermo sit, est, si  
re-

revera est, vel non, non. Hæc sunt ornamenta, quæ constituunt juramentum in ordine virtutis; quòd si vel unum istorum desit, illicitè juratur.

4 Nomen Dei sanctum ab aliis blasphemari, pro viribus impedias; servi principum non solùm suis dominis non maledicunt, sed ne eos ulla injuria laessiri ab aliis patiuntur; nec Turcæ suo Mahometo, nec Ethnici suis diis maledicere audent; quanto minùs

tu  
n  
m  
—  
D  
—  
I  
fa  
u  
g  
n  
m  
p  
b  
e  
e  
u  
tv



tu Deum verum, æter-  
num, optimum, maxi-  
mum, injuria afficeret?

---

*De Sabbato Christiano.*

---

CAP. 17.

**I** S Vbstantia præcepti  
de observatione  
sabbati est moralis, ut  
unum aliquē diem sin-  
gulis septimanis in ho-  
norem Dei sanctifice-  
mus; 1°, ut ipse Deus  
publice in mundo cele-  
bretur; 2°, ut pietas  
electorum publicis ex-  
ercitiis excitetur: 3°,  
ut homines sese mutuò  
F in

in fide ædificent, & alii  
alios ad pietatē provo-  
cent. 4, ut consensus in  
cūctu dei & ecclesiæ do-  
ctrina servatur. 5, ut ec-  
clesia in mundo sit con-  
spicua, & a reliqua ho-  
minū multitudine dif-  
cernatur. Quia vero  
primus hebdomadis di-  
es huic quieti & spiri-  
tuali exercitio, vel a  
Christo immediatè, vel  
ab Apostolis ab eo in-  
spiratis, destinatus est,  
ideo & ille a te tuisque  
religiosè observari de-  
bet, *Apoc. I. 10.* voca-  
tur enim *κλειαν*, id est,  
dies

*Strena Christiana.* 103

dies dominicus; primus  
dies hebdomadis, quo  
Ecclesia ad frangendum  
panem, communican-  
dum sanctorum usibus,  
audiendū verbum Dei  
& invocandum Deum  
congregabatur, *Act. 20.*  
*7. & sequent I Cor. 16. 2.*

Hunc diem, Christus  
Christus gloriosa sua  
resurrectione nobilita-  
vit, *Joh. 20. 1.* atque te-  
stante Athanasio, ὁ κύριος  
μετέθηκε τὸν σαββατὸν εἰς κυρια-  
κήν, id est, dominus  
transtulit sabbatum in  
diem dominicum. Hi-  
arius autem prologo

104 *Strena Christiana.*

in Psalmos dicit, nos  
octava die, quæ ipsa pri-  
ma est, perfecti sabba-  
ti festivitate lætamur.  
Testatur etiam Justinus  
Martyr, qui altero post  
nativitatem Christi se-  
culo vixit, in defensio-  
ne sua pro Christianis,  
ad Antonium Pium  
Imperatorem, die solis  
urbanorum & rustico-  
rum cœtus factos fuisse,  
ubi Apostolorum &  
Prophetarum literæ,  
quoad fieri poterat,  
prælegebantur. Deinde  
Præpositus verba facie-  
bat adhortitaria, ad  
imitati-

imitationem tam honestarum rerum invitans; post hæc, inquit, consurgimus omnes & preces offerimus, quibus finitis, profertur panis & vinum.

3 Denique Consiliorum judicium & Ecclesiæ praxis, hujus diei celebrationem, omnibus a Christo seculis usque ad hæc ultima & deteriora tempora, in quibus hæreses & sectæ monstrosæ & horrendæ, magis quam antè, pullularunt, confirmant & approbant.

4 Sex

4 Sex diebus dei  
permiffu corpori &  
terrenis tuis commo-  
dis confulere potes; cur  
unum diem animæ tuæ  
emendandæ & faluti e-  
jus promovendæ non  
impenderes? Verè di-  
em Dominicum nun-  
dinas dei appellare li-  
cet, quas emandarum  
rerum ad salutem ne-  
cessariarum causa fre-  
quentare tibi necesse  
est.

5 Comparabis hoc  
die absque pretio ci-  
bum angelorū, aquam  
vitæ, vinum sacramen-  
ti

ti, & lac verbi, quibus  
anima tua pascatur, *Is.*  
55. 1. Emes a Christo  
aurum igni explora-  
tum, ut dives fiat fides  
tua, Collyrium quo  
oculi tui inungantur,  
& cæcitas spiritualis fa-  
netur, vestimenta al-  
ba justitiæ salvatoris,  
quibus induaris, nè ma-  
nifesta fiat nuditas ani-  
mæ tuæ, *Apoc.* 3. 18. Re-  
cordare itaque diem  
sabbati Christiani, ut  
sanctifices illum; sic dei  
benedictionem & uber-  
rimam consolationem  
perpetuò senties.

---

*De Recreationibus.*

---

## CAP. 18.

**L**Ætitiā recte  
moderari debes;  
cogites Deum qui-  
dem esse qui dat læ-  
titiā in corde tuo,  
quique honestam re-  
creationem qua amari-  
tudinē hujus vitæ  
temperes, tibi non in-  
videt : Sed rationem  
hujus concessæ lætitiæ  
aliquando exigit, qua  
de re Salomon scribit,  
Lætare



Lætare juvenis in adolescentia tua, & in bono sit cor tuum in diebus juventutis tuæ, & ambula in viis cordis tui, & in intuitu oculorum tuorum, & scito quod pro omnibus his, adducet te Deus in judicium, *Eccles. 11. 9.* Dum igitur lætaris, ex oculis tuis non ponas Deum, tanquam inspectorem & judicem uniuscujusque operis tui; in omnibus operibus tuis memorare novissima, & nunquam peccabis.

2 Deinde cogites,

F 5

nul-

nullum hujus seculi  
gaudium esse perfectum,  
sed cum dolore  
temperatum, qui gaudium  
vel comitatur vel  
sequitur; ita igitur ex-  
porrigas frontem in  
rebus secundis, ut para-  
tus sis ad ferendas res  
adversas, si Deus vo-  
luerit; in die bonorum,  
ne sis immemor malo-  
rum.

3 Recorderis quod  
gaudium hujus seculi  
non sit optimum, sed  
unum ex donis tempo-  
ralibus & caducis, quæ  
etiam impiis contin-  
gant :

*strena Christiana.* III

gunt, : Idcirco non totum te immergas tali lætitiæ, quasi summum tuum bonum in ea situm sit.

4 Gaudium hujus seculi, nisi sponte sese offerat, nè nimium appetas, sed contemnere discas, ita ad cœleste gaudium tanto magis aspirabis : Justum est ut Deum amittat, quicumque in alio magis quam in Deo consolari desiderat.

5 Recreationes non sint i. sumptuosæ. Deus dedit pecuniam, ut  
habeas

**III Strena Christiana.**

habeas unde familiam  
alas, unde pauperibus  
consulas, non quas co-  
niicias in casum, vel  
fortunæ ludibrio &  
prōdigæ voluptati ex-  
ponas: 2. non sint cru-  
deles, vel sâguinolentæ,  
ne creaturas pugnantes  
aspicere delecteris: 3.  
nè sint longæ: ne deli-  
ciis vaces; punctum est  
quod vivimus & puncto  
minus; tempus pretio-  
sum & breve est, cujus  
gravis in die novissimo  
reddenda ratio.

6 Recreationibus de  
quibus pii dubitant, an  
licitæ

licitæ sint, penitus abstinere tutum est.

7 Noli ventrem tuum alere, ut equum Caligula, cui delicias regum ingessit, pro gramine & feno, quod natura assignavit.

8 Non te oblectent ludi, quos cum infania frequentant multi; Ludus illicitus, inventio diaboli est, ara fortunæ, officina fraudis, schola avaritiæ, palæstra iracundiæ, professio blasphemix. Quomodo excusari potest in Dei iudicio, qui ludendo

**II 4** *Strena Christiana.*

dendo plena manu aurum prodigit, & interim mercedem detinet operarii, vel eleemosynam pauperis qui ad januam ejulat? Quis non horriet Christianum qui ludit in sanguine, vel Domesticorum suorum, quos negligit, vel pauperum, quos expoliat. Apage cum delectationibus istis.

Si admittendus aliquando ludus licitus est, fiat moderate, fiat inter æquales; sine cupiditate  
&

*Strena Christiana.* 115

& animi preturbatione,  
de modico, & ut quidam monet, in  
usum pauperum.

10. Ad recreationem, ut honesta sit,  
tria requiruntur. I. Electio personarum;  
Eligendi sunt boni,  
evitandi mali ut scopuli;  
conversatio fugienda ferocium : Proprio  
judicio pertinaciter insistentium : Vaf-  
rorum, iracundorum,  
& Jocularum. Secundo, Bona intentio  
ad conservationem va-  
letudinis & verum  
pro

116 *Strena Christiana.*


pro obsequio animi ;  
3. Pro innocentia, ma-  
jore studio opus est, nè  
natura per indulgenti-  
am vitæ liberiori magis  
quàm decet, genero-  
sum pectus assuescat.  
Hebræ dixerūt, ludum,  
choream, poculum &  
colloquium esse fene-  
stras animæ, per quas  
magis quam par sit, sæ-  
pè videtur. Prudens  
censetur qui in con-  
gressu seipsum obser-  
vat & spiritum acuit,  
ut aptior quotidie ad  
functiones suas redda-  
tur : Longum esset sin-  
gula



gula enarrare. Deus te  
per omnia sanctificet,  
ut sis animo & corpore  
inculpatus & talis inve-  
niaris, in adventu do-  
mini, cum veniens ad  
judicium reddet uni-  
cuique secundum ope-  
ra sua; interim suggerat  
tibi Deus, quomodo  
te in omnibus geras; &  
Dominus te servet in  
regnum suum celeste:  
cui gloria in secula se-  
culorum. Amen.

Tabula.





## Tabula.

### C A P. I.

**A**ctus Fidei. I

### C A P. II.

Actus Spei. 8

### C A P. III.

Actus Charitatis in De-  
um, & zeli divini ho-  
noris. 17

### C A P. IV.

Actus Religionis in De-  
um. 31

C A P.

Tabula.

CAP. V.

*Actus Charitatis erga  
proximum.* 35

CAP. VI.

*Actus Zeli salutis ani-  
marum.* 40

CAP. VII.

*Actus Pœnitentiæ, odii  
peccatorum, & contri-  
tionis.* 45

CAP. VIII.

*Actus Humilitatis* 52

CAP. IX.

*Actus Modestiae.* 61

CAP. X.

*Actus Patientiae.* 63

CAP. XI.

*Actus Christianæ abdic-  
tionis rerum tempora-  
lium*

# Tabula.

*lium Christi causa.* 70

CAP. XII.

*Actus Iustitiæ.* 78

CAP. XIII.

*Actus obedientiæ Christi-  
anæ.* 81

CAP. XIV.

*Actus Castitatis.* 84

CAP. XV.

*Actiones temperantiæ.* 90

CAP. XVI.

*De Blasphemia & jura-  
mentis.* 96

CAP. XVII.

*De Sabbato Christiano.*

101

CAP. XVIII.

*De recreationibus.* 108

F I N I S.